

"ARUBAANSE COURANT"
diariamente cu excepccion di
diadomingo.
subscription f. 3.25 pa luna.
edicion los 20 ct.

edita pa:
N.V. Arubaanse Drukkerij- en
Uitgeverij- en Publiciteits Mij.
Nassaustraat 85 O'Stad Aruba N.A.

imprimi na:
N.V. Drukkerij "De Stad"
Theaterstraat 11, Willemstad Curacao

Telefoon 1116 Directiva y redaccion.
2116 Anuncio y subscription.
Directeur hoofdredacteur: D. Wolff.

ARUBAANSE COURANT



Diario pa



Aruba

KING SIZE COCA-COLA



optica moderna



SPRITZER + FUHRMANN

No. 4620

Werkgroep Industriële Adviesraad a reuni na Aruba:

Presidente van Thiel: sirbi interes di otro cu cooperacion

ORANJESTAD, 22 april. — Durante e lunch cu a warde ofreci na e Werkgroep di Industriële Adviesraad, door di Vereniging di Handel en Industrie den Basi Rutidierne u.p. merdia, e presidente, mr. F.J.M. van Thiel a declara, cu no mester tin mal interpretacionnan tocante e intencion di e Adviesraad. No ta asina cu Hulanda ta bin puntra; wel cu kiko nos par yuda bosa, bisa loke bosa ta desea? E intencion berdadero ta cu e empresanan di Hulanda y Antillas lo coopera na interes di otro.

E seccionnan di Antillas y Hulanda di e Werkgroep di Industriële Adviesraad, a conferencia cu otro dia 18 y 19 ultimo na Aruba.

E Industriële Adviesraad ta un organisacion hoben: el a worde instala dia 20 di juni 1962 na Den Haag pa e presidente honorario, Prins Bernhard. Directamente despues di e instalacion e promer reunionnan a worde teni. Na Aruba esaki ta e di dos reunion cu a worde teni desde e fundacion di e werkgroep. Industrialisacion di Antillas y Surinam, cu yudanza di empresanan Hulandes, ta e intencion di mas importante cu e conseho aki ta trata di logra, pero na e manera cu senyor van Thiel a splica detayadamente diabierna. Pa Hulanda tin asientu den e Adviesraad drs. A.B. Speekenbrink, anteriormente Gobernador di Antillas, ir. Ingen Hoesz, presidente-comisario di Hoogovens, senyor Bruynzeel y senyor Van Thiel.

E miembronan Surinamese ta drs. Jonkers, presidente di "Vereniging Bedrijfsleven Suriname" y ir. Kuiperbak, director di "Stichting Welvaartszorg" na Surinam. Representantenan di Antillas ta senyor Ch. Debruijn, drs. H.J. Sprock, y senyor Arturo M. Arends y S. den Heijer.

E werkgroep tin representantenan di e tres parinan di e reino y na Antillas tin puesto aden como representante di Islanan Ariba senyor C.N. Wathey, di Bonaire senyor L.A. Abraham, di Corsow senyor Ch. Debruijn, A.C. Henriquez, Charles Gomez Caseres y drs. H.J. Sprock di Aruba, senyor Arturo M. Arends, S. den Heijer, C. Bastiaanse, N. Schindeler, J.P. Oduber, Adriaan Arends, Morris Serphos, F.J. Tromp y C.W.J.J. Heufke. Secretario di e grupo Antillano ta senyor Tommy Schwengle.

E reunion na Aruba di e seccionnan di e werkgroep di Antillas y Hulanda tabata bao direccion di mr. Van Thiel, co-presidente di e Industriële Adviesraad y presidente di e werkgroep di e conseho.

Senyor Van Thiel a yega diarazon anochi cu su esposa y mr. P.H. Noordwal, secretario di e werkgroep y e adviesraad na Aruba. Senyor Van Thiel ta na Hulanda e presidente di Tweede Kamer di Staten Generaal. Mesos cu senyor Noordwal e tambe ta activo den e organisacionnan di e dunadonan di trabao na Hulanda. Otro miembronan di Hulanda cu a bin Aruba ta ir. M.H. Damme, director di Verenigde Machinefabrieken, senyor P. Groen, director di Verffabrieken Pieter Schoen,

senyor J. Hovenkamp, director di Gebr. van Swaay y mr. E.J. Egberts, director di Anstel Brouwerij na Hulanda.

Diferente puntanan

Diahuebs a worde cuminsa cu e reunionnan den Aruba Caribbean Hotel. Esaki a dura mas o menos dos ora y akinan ya diferente puntanan a worde trata, cu tabatin ariba e agenda. Pa menciona algun di esakinan: proteccion di e invertidornan contra di risiconan comercial, distribucion di materialnan informativo den exterior tocante Antillas, e eliminacion di e 30

porciento di e Antillenrechten na Venezuela, tumamento di estudiantenan Antillano den companianan Hulandes pa experiencia, preparacion di e programa di trabao di e werkgroep pa anja 1963, invitacion di misionnan industrial di diferente paisnan na Antillas.

Cerca Lago

Diahuebs merdia e werkgroep a worde invita pa un lunch cerca Lago. Durante e reunion amistoso den Esso Club senyor W.A. Murray presidente di Lago a splica den un speech cortico, con promer anja (1924) Lago tabata un empresa Canadeses, cu na anja 1929 a cuminsa cu e trabao di un refinaderia na Aruba. Na anja 1932 Standard Oil of New Jersey a compra Lago for di Standard Oil of Indiana. Durante guerra Lago a entrega masha hopi gasolin na e aliadonan. Despues di guerra hopi cos mester a worde renoba. Pa motibo cu tur parti na mundo refinaderianan nobo tabata worde traha cu e machinanan nobo di mas eficiencia (E ta sigi riba pag. 2)

Eilandsraad di Aruba a termina su agenda rapido

ORANJESTAD. — Diahuebs a tardi u.p. un reunion publico di eilandsraad a tuma lugar, cual a ser termina den mei ora di tempo. E peticion di Sr. Jossy Mansur a ser manda pa B.C. pa conseho, mesos cu e peticion di e personal di ambulancia. E cambio di credito pa un bato di loads no a hanja comentario, mesos cu e proposicionnan di B.C. pa duna terreno den erfpacht na Evangelical Alliance Mission, Wit-Gele Kruis y Evangelische Broedergemeenschap. B.C. tambe a hanja aprobacion pa e proposicion pa construi e segundo parti di e school tecnico na Roel Congo. E verordening di bioscoop cambia a hala un pregunta so for di Sr. C. A. Ema (AVP) cu kien a sa precisamente cuanto placa e secretario di comision lo hanja.

E presidente a participa, cu esey lo ta entre f. 25.— y f. 75.— pa luna. Cu esey Sr. Ema a bai di acuerdo. E finjan e garantianan di "Olde Molle" a hanja algun pregunta di Sr. H. Been (PPA) y Ema (AVP), cual a ser contesta pa diputado F. Werneet.

Kleuterschool Sta. Cruz

Na fin di e reunion a keda indica cu ainda un proposicion a drenta di Sr. A. Werleman (UNA), P. Croes (sio. part.) F. Hernandez (PPA) y Max Croes (AVP) pa duna di parti di territorio insular un contribucion di f. 45.000.— na e Comité Bouwfonds Kleuterschool Santa Cruz. Esaki a consecuencia di e peticion di pastoor Berlage na eilandsraad. E cuater miembronan a propone pa con-

sidera f. 25.000.— como un regalo y f. 20.000.— como un renteloso voorschot. Por fin nan a pidi e presidente pa aña di e proposicion aki na e agenda di diahuebs atardi y cuminsa trata esey inmediatamente. Esaki a ser otinga pa presidente De Cuba. El a pimiñti pa trata e asunto aki na e siguiente reunion di raad.

FIESTA DI DESPEDIDA PA FAM. SCHENDSTOK

SEROE COLORADO, 22 april. — Diabierna dia 26 venidero, dokter J. D. Schendstok, di Lago, y su esposa lo ta e centro di un fiesta di despedida cu lo worde duna den Esso Club na Seroe Colorado. Dokter Schendstok, kende durante hopi añanan a traha na Aruba, a gana hopi simpatia. Su esposa tabata e promer dama na Aruba, cu a gana e titulo di campeon di e torneo tradicional pa parahanan cu tur anja ta tuma lugar.

DIRECTIVA NOBO DI AMERICAN LEGION

SEROE COLORADO, 22 april. — E comandante nobo di American Legion, Aruba Post No. 1, ultimamente a bira senyor J.W. Watkins. Subcomandante ta Charlie Miannay, adjuvante Bill Fox, tesorero George Cvejandovich, capellan castrense, Mai Soderstrom y comandante di warda, Curt Leonard. Na mei e personanan aki lo worde instala den nan puesto nobo.



E famoso pastelero Ingles Toni Stopp An di e ciudad Winder aki ta trahando un di e cinco bolonan gigantesco cu e mester traha pa e matrimonio di princesa Alexandra di Kent y Angus Ogilvy cu ta tuma lugar diarazon p.v. na Londen. E bolo di cuater piso tin un altura di 1.20 meter y un diameter di 45 cm.

PROMER BUSNAN NA ARUBA TABATA PIDI FL. 2,50 PA BIAHA

ORANJESTAD, 22 april. — Algun siman pasa tabata cuminsa un laborant rond, cu a pasa den e tempo, cu tabata costa 10 florin pa worde transporta for di Oranjestad pa San Nicolaas den truck. Y esey no ta di compara mes cu e biaha pa bai cas back, cu den e tempunan ey tabata costa 25 florin.

Despues cu busnan a cuminsa worde usa pa transportacion di persona, un biaha cu un vehiculo asina tabata costa 2 florin cu 50 cent. "Kende ta keha ainda di tempunan eora, si ho tende esey? Segun senyor R.C. Peterson, cu dia promer di April 1928 a drenta den servicio di Lago na laboratoriu y ultimamente a bai en pensioen.

G.P. KOOLMAN TABATIN MIHOR IDEA

ORANJESTAD, 22 april. — Sr. G. P. Koolman, ta esun cu na luna di maart ultimo a entrega e mihor idea na Lago. Pa esaki el a worde recompensa cu 580 florin. En total "Coin Your Ideas" di Lago a duna 1.855 florin durante luna di maart.

NOTICIA DI POLIS

Ladron deteni

ORANJESTAD, 22 april. — Diabierna atardi 5'or y mei recherehe a logra de ene e persona cu probablemente a horta 25 te 30 baki di claridad de Club Boneriano algun dia para. Ta trata di un hoben di 16 anja di edad, B.L. Despues di e worde deteni el a reconoce cu ta e ta e persona cu a bai cu e claridadan di Club Boneriano. E hoben a worde enareela.

Choke

Diabierna atardi banda di 3'or tabatin un choke den Kazernestraat na San Nicolaas entre e autonan A2195, A4950 y A4538 mancha respectivamente pa V.L., C.B. y J.W. Motibu di e accidente ta cu e auto A2195 a corre dal ariba A4950, kende ariba su turno a dal ariba A4538. A resulta den un danjo material di total 500 florin.

FATUM — Tel.: 1845 pa tur bo oseguronan

Arcebio Eckmijer di Buhali No. 3 a perde un cartera preto conteniendo 60 florin y algun papel na Oranjestad.

R. de Lange di Anglostraat 9 a perde un brel di solo den su etui den elandario di aeropuerto.

A perde

Minister Henriquez a sali di Hulanda

SCHIPHOL, 22 april. — E minister Antillano di Financien y bienestar publico, senyor Henriquez, kende slman pasa a worde nombra como Gezaghebber di Aruba, a sali ayera di Schiphol pa Willemstad. Minister Henriquez lo pasa New York prome.

Minister Henriquez a bisa cu e no por sigui mas cu deliberacionnan tocante e plan di diez anja y cu e mester a laga esey na su colega di asuntunan social, minister Kroon, pasobra diamars directamente despues di su yegada e mester presenta cerca gobernador Debruijn di Antillas, pa hira como Gezaghebber di Aruba.

Minister Henriquez no ta quere, cu nan lo nombra un sucesor pa dia 29 di e luna aki, manera ta conoci, poblacion di Aruba lo bai urna electoral huntu cu esun di Bonaire y un luna despues lo sigui Islanan Arriba y Corsow. Durante e ultimo periodo di gobernacion di e actual gobierno, e

minister di cultura, trafico y transport, senyor Petronia, lo quela encarga cu e puesto di minister di financien.

Finalmente minister Henriquez a bisa tocante e plan di diez anja, cu aunque cu e no quier expresa su mes tocante e plannan aki e actual s'adum di negociacion, toch ta boi realisa, cu aunque cu otro luna eleccionnan a pasa, formacion di un gobierno nobo lo por tuma algun tempo.

Tres anja pasa tabatin un acuerdo tocante e financiamiento temporal di e plannan di Urgencia, cu ya ta worde ehecuta. Gobierno Hulandes a pimiñti e tempo ey, cu e plannan di areglo provisional aki pa e plannan di urgencia mas tarda na november di e anja aki mester ta remplaza pa un acuerdo definitivo di financiamiento di e prome fase di henter e plan di diez anja, cual tin ademas di e plannan di urgencia otro plannan riba su programa.

GEZAGHEBBER GORSIRA A SALI PA CORSO

SCHIPHOL, 22 april. — Inesperadamente Gezaghebber Gorsira di Corsow a sali di Schiphol pa Willemstad. Huntu cu e a baha diputado Rozendal, tambe di Corsow.

Tur dos tabata forma parti di e delegacion Antillana, cu huntu cu premier Jonckheer a bai Hulanda na cuminsamento di april pa delibera tocante e plan di diez anja.

Na nan salida Gezaghebber Gorsira y diputado Rozendal no kien a bisa nada ayera mainta na Schiphol.

Nan a participa solamente cu minister Kroon so por duna algun comentario tocante e deliberacionnan na Hulanda.

DELITONAN NA ANJA 1962

ORANJESTAD, 22 april. — Na anja 1962 e cantidadnan di maltrato y hortalmento grandi a aumenta na Aruba. Esaki segun un publicacion cu ultimamente a worde haci di anja 1962. Di otro banda e delitonan moral durante e ultimo ocho añanan ta hopi abao na e isla aki. F. cifranan oficial ta lo siguiente:

	Corsow 1962	Aruba 1962	Aruba 1961
delitonan moral	107	32	35
delitonan contra bida	17	9	6
maltrato	211	204	145
hortamento simpel	562	181	192
hortamento grandi	375	165	128
jaagmento sin permit	8	2	7
cometemento di desfalco (verduistering)	25	16	8
estafamento (oplichting)	55	7	14
destruccion	76	66	50
receptamento (helling)	14	9	14

Segun e estadistieknan mayoria di e delitonan ta worde cometi na luna di Juni, Juli y Agosto.



Diarazon anochi 9'or y 20 a yega na aeropuerto Prinses Beatrix e Werkgroep pa Antillas di e Industriële Adviesraad pa Surinam y Antillas. Na aeropuerto nan a worde contra pa e delegacion di Aruba encabeza pa senyor M. Serphos (drechi). Ariba e portret nos ta mira na robes Mr. F.J.M. van Thiel, kende ta presidente di e Werkgroep, co-presidente di adviesraad, cu su senjora, acompaña pa secretario di e Werkgroep Mr. Ph. Noordwal (centro).



Te ainda, segun e portret aki ta comproba, e forsanon di caboi di naturalesa ta mas fuerte cu esnan mecanico. Ora cu e forsanon di cabai di un auto frocaca, semper tin un caboi cu por transportele pa otro parti. E portret aki a worde saca na Kopenhogen, capital di Dinamarca.

COMUNISTA SPANJO GRIMAU A WORDE EHECUTA

MADRID, 22 april. — Un corte militar di justicia na Madrid a cuminsa pa muerlo riba acusacion di rebelion militar e comunista Spanjo Julian Grimau.

E lider comunista Spanjo Julian Grimau a worde ehecuta ayera mainta tempran door di un peloton di fuego. Asina su defensor a participa perionista-nan.

Diabierne un tribunal militar a condena Grimau, kende tin 52 anja, na pena di morto, pa via di crimennan en el a comete den guerra civil na Spanja.

Segun polis, Grimau ta miembro di e comite central na e partido Spanjo comunista clandestino y responsabel pa actividad na Spanja.

Grimau tabata hefe di e departamentu Barcelona di rechichi di polis Spanjo. November anja pasa nan a arestale y despues el a hanta heridanan grave ora cu el a burla di e balcon di e oficina di polis na Madrid.

Solamente mi tabata cumpli cu e trabounan cu un gobierno legal ta manda mi. 25 Anja largu mi tabata comunista, y como comunista lo mi muri. Segun declaracion di Grimau dilanti tribunal siman pasa.

Grimau a nenga di confesa of ricibi Santa Comunien. Un pader a keda te na ultimo ora serca dje, si en caso e por a dicidi di cambia di opinion. Pero e no a haci esey.

Segun informenan Grimau a presen-

ta masha calmo mes dilanti di e peloton di fuego.

Mas despues e ministerio Spanjo di informacion a confirma cu nan a ehecuta Grimau.

E defensor di Grimau, Armada, antayera noch a combensa cu reduccion di e corant italiano di partido comunista na Italia „L'Unita“, en e peticion pa duné comunicacion cu Papa.

E kier a pidi e hefe di Iglesia Catolica pa interueni na favor di su cliente.

E reduccion di L'Unita a participa Armada en esey ta imposibel. Si nan a duné contacto telefonico cu Vaticano, Armada a papia cu un pader cu a priminti di pasa su peticion pa Papa.

E agencia Frances di noticia „AFP“ ta anuncia for di Moscú, cu Radio Moscú a interumpi su transmision ayera mainta, pa anuncia eheccion di Grimau.

Pues asina autoridadnan di Franco a laga ehece e eheccion tochi, sin tene cuenta cu e protestanan, cu den henter mundu tabatin contra e eheccion, asina Radio Moscú a anuncia.

CHOMBE TA MALU

ELISABETHSTAD, 22 april. — President Tjebbe di Katanga ta malu. Su situacion ta causa algun preocupacion. E bista di e president ta bolbe duna algun dificultad serio.

PROPOSICION RUSO RIBA USO DI ESPACIO

NEW YORK, 22 april. — Union Sovietica a dicidi awe pa propone pa no haci soberania den espacio of riba euerponan espacial di influencia riba uso of ocupacion di espacio of e euerponan ey.

Ademas Union Sovietica a insisti pa prohibi uso di espacio pa finnan di espionaje of militar y pa considerastronautan como representantenan di humanidad. E proposicionnan Ruso a worde haci den e subcomision pa asintunan di espacio di Nacionnan Uni.

COMERCIANTE INGLES ACUSA DI ESPIONAJE

MOSCU, 22 april. — E servicio Ruso di seguridad a termina su investigacion den e asunto di e comerciante ingles, Greville Wynne, quende anja pasa a worde aresta na Boedapest riba acusacion di espionaje. Segun e agencia Ruso di noticia Tass ta anuncia, Wynne ta worde acusa segun articulo 65 di e codigo Ruso den cual ta para un castigo di shete he diecincu anja pa espionaje cometi door di estranhero.

PLUTONIUM INGLES PA REACTOR FRANCES

BRUSSEL, 22 april. — Inglaterra lo entrega plutonium pa construcion di e prome nucleo di e reactor Rapsoia na Gadarache na Francia. E negociacionnan entre e agencia di provision di Euroatom y e Inglaterra tocante e entrega aki ta asina avansada, cu nan ta spera cu otro luna e contract lo worde firma. Ta trata di un cantidad total di nobenta kilo, di cual mitar lo worde entrega na e euerponan di otro anja. Riba e sobra 45 kilo lo tin opcion pa entrega na e euerponan di anja 1965.

ASISTENTE SECRETARIO GENERAL DI N.U. A MURI

NEW YORK, 22 april. — Eeveny Kiselev, e Ruso asistente secretario general di Nacionnan Uni y un di e ocho eueheronan mas principal di secretario general Oe Thant, a muri ayera despues cu el a sufrir poco tempu di un enfermedad di curazon. Kiselev a worde nombra na anja 1961. dje, despues cu Oe Thant a bira secretario general interino despues di morto di Hammarskjöld.

PROPIO DEFENSA PA JAPON

LONDEN, 22 april. — Segun e corresponden na Washington di „London Times“ gobierno Mericano ta considerando actualmente e posibilidad, pa Japon den serceno futuro lo worde encarga cu su propio defensas, pa Japon cu destino desconoci. Promer cu esey el a declara un aviador di neutralistan li mi bringa te na fin cu tur forza cu e tin. Y si un lucha abierta no ta posibel mas, lo mi sigui bringa subversivo. Asina e oficina di e premier neutralis a. Prins Soevanna Phocma a participa.

SITUACION DI E ARZOBISPO NA DAMASCO TA MEHORANDO

BEIROET, 22 april. — Segun noticianan di prensa na Beiroet, e situacion di Monsenior Koemojedjian, arzobispo di e iglesia ortodoxa na Damasco, riba quende nan a comete un asalto dialuna anochi, no ta peligroso y no tin motibu pa preocupacion.

E autor parece quier a venga e arzobispo, pasobra esaki a nenga di case sin autorizacion di su tata, maneira ta prescribi. E asalto pues, segun e noticianan aki, no tabata pa motibunan politico.

DR. HANS GLOBKE TA BAI RETIRA

BONN, 22 april. — Segun circulonan ajea na cancelleria di Alemania Occidental Dr. Hans Globke, e colaborador mas prominente di canceller Adenauer, tin intencion pa tuna retiro huntu cu Adenauer. Dr. Globke, quende for di anja 1953 a traha cu Adenauer como secretario di estado, ta goza di un poder administrativo hopi grandi. Na september e ta cumpli 65 anja. Tanto na Alemania como na exterior nan a critica su puesto di den segunda guerra mundial masha tanto. En conexion cu esey el a ofrece diferente biaha caba su retiro, pero te awor aki Adenauer a nenga di lagie bai.

LADRONICIA DI PLATINA

ROMA, 22 april. — Na Italia nan a horta un di e dianan aqui 300 kilo di platina na un balor di mei million dollar, asina a worde participa awor.

For di un investigacion a resulta, cu Cesare Torelli di 38 anja, quende ta representante na Italia di e compania na cual e platina ta pertenezce, probablemente ta autor di e ladronicia. Parece cu Torelli a pasa e encarga costoso den un avion, cu tabata cla pa sali pa Venezuela y algun despues, a bai cu Torelli y platina. E platina tabata destin pa finnan industrial.

CHOLERA NA CALCUTTA

CALCUTTA, 22 april. — 113 hende a muri den e prome mitar di e luna aki na Cholera na Calcutta. Tabatin 238 caso di e enfermedad.

Tur verano tin un epidemia di cholera den e ciudad aki, ora cu irwa cuminsa bira sears den e barriornan mas atrasa.

En cooperacion cu e consejo mundial pa salubridad nan ta trahando plannan pa trece mehoracion den provision di awa y riolnan.

POR LO PRONTO SPAAK LO NO BAI ISRAEL

TEL AVIV, 22 april. — E bishita cu e minister Belgo di exterior Paul Henri Spaak, tabata pa haci na Israel, a worde suspende en conexion cu enfermedad di president Ben Zvi, asina radio di Israel a participa. Minister Spaak mester a yega Tel Aviv ayera.

E LUCHA NA LAOS TA SIGI

VIENTIANE, 22 april. — E lucha den Vlatke der Kruiken na Laos entre unidatnan neutralista y militar nan di e movimientu comunista di Pathet Lao ta sigui.

E comandante di e neutralistan, e general di paracaidista Kong Lee, a sali ayera cu destino desconoci. Promer cu esey el a declara un aviador di neutralistan li mi bringa te na fin cu tur forza cu e tin. Y si un lucha abierta no ta posibel mas, lo mi sigui bringa subversivo. Asina e oficina di e premier neutralis a. Prins Soevanna Phocma a participa.

BEN BELLA TOCANTE E ASALTO CONTRA BIDA DI MINISTER KHEMISTI

ORAN, 22 april. — E investigacion tocante e asalto contra bida di minister Khemisti di Argelia, a muestra cu ta trata aki di un caso riba su mes.

Asina e prome minister Argelino a bise awe duran e un fiesta na Oran. Mohammed Khemisti, minister di exterior den gobierno Argelino, a worde tumbá pa un tiro di revolver dia diezun di e luna aki.

Nan a detene e autor. Ainda e minister su bida ta na peligro.

COMUNICADO CHINES INDONES

DJAKARTA, 22 april. — Indonesia y China comunista a duna un comunicado comun, cu a worde publica ayera, den cual nan ta bise cu nan ta spera cu e clima favorable cu a worde crea door di e proposicionnan di e conferencia na Colombo, lo trece un arreglo di e conflicto fronterizo entre China y India door di negociacionnan directo entre ambos pais.

President Soekarno y e hefe di estado di China comunista a firma e comunicado mas o menos un ora y mei prome cu e presidente Chines a sali pa Rangoon.

Lioe Tsjao-Tsji a haci un bishita di ocho dia na Indonesia. E proposicionnan di Colombo a worde formula na un conferencia di Birma, Camboja, Ceylon, Ghana, Indonesia y Republica Arabe Uni y nan a worde presenta na Nieuw Delhi y Peking.

MATERIAL RADIO ACTIVO PA UNION SOVIETICA

WASHINGTON, 22 april. — E comision Mericano pa energia nuclear a duna su aprobacion antayera na export di un cantidad chiqui di material radio activo pa Union Sovietica. E material lo worde usa pa estudionan biologico y bioquimico.

Segun e comision a participa e material no tin balor estrategico di militar.

ACUERDO COMERCIAL ENTRE BRAZIL Y U.S.

RIO DE JANEIRO, 22 april. — Ayera Brazil y Union Sovietica a firma un acuerdo comercial nobo. Cu e acuerdo aki e grandura di e comercio entre e dos paisnan lo worde redobla na 180 million dollar.

E minister Brasilenjo di finanzas kier bolbe anima e relacionnan comercial entre Brazil y paisnan di e bloque oriental, cu despues di un animacion comica durante presidencia di president Gaidros, no tabatin practicamente ningun significacion.

Den circulonan ministerial nan ta trata na traha un programa di cooperacion door di cual Brazil por provee di e yudanza considerable for di paisnan socialista.

Den circulonan politico na Brazil nan ta calcula ademas cu e minister Brasilenjo di finanzas lo cambia su politica, si e fondo monetario internacional lo mester nenga di duna credencial liber pa Brazil si e ta considera e medidacion di e gobierno di Brasil contra inflacion insuficiente.

Vacacion gratis pa victiman di epidemia di Typhus

ZURICH, 22 april. — Tur victiman di e epidemia di Typhus na Zermatt lo hanta un oferta pa un vacation gratis di dos of tres siman na Suiza.

Tur gastunan, inclusive esnan di dokter, en a worde causa door di e epidemia, lo worde paga.

CASTRO TA BAI MOSCU

HAVANA, 22 april. — E viahe di premier Fidel Castro di Cuba pa Rusia, ta worde mira door di observadornan politico como un fin di e periodo dificil entre Havana y Moscú.

Di circulonan bon na altura ta worde informa, cu mayoria di e paisnan Europeo kier invita Castro pa un bishita.

Castro, gustosamente kier gradici e paisnan, cu a apoya e revolucion moral y financieramente.

BO HOROSCOPO PERSONAL

ARIES

21 Maart — 20 April



No hai mucho pura cu bo zodiaco. Tuma bo tiempo ta pensa si ta necesario busca conseho serca otro.

TAURUS

21 April — 20 Mei



Paga atencion na bo posicion financiero, no laga bo lehenan aumenta, bo lo hanta apoyo den e esfuerzonan.

GEMINI

21 Mei — 20 Jun



Aspectonan favorable pa deliberacion ta sigui pero tene cuidao cu bo tuma decisionnan mucho pura.

CANCER

21 Jun — 22 Jul



Awe bo mester tene hopi cuidao cu transaccionnan financiero pa bo no sali perdi. To ta un dia favorable pa haci compras.

LEO

23 Jul — 22 Augustus



Bo por gana hopi di si bo oia ta tocante bo problemanan cu hendenan di confianza, paga fino cu compromiso nan financiero.

VIRGO

23 Augustus — 22 September



Aspectonan ta indica cu bo ta demasiado optimis a, tene cuenta cu esey y concentra bo mes riba bo debernan.

LIBRA

23 September — 22 Oktober



Sucesonan di awe lo ta agradable pa bo, cuida bo apariencia, un impresion agradable actualment ta importante.

SCORPIO

23 Oktober — 22 November



Si bo ta buscando un contesta riba un problema pendiente, bo por hazje si bo busca apoyo serca o ro nan.

SAGITARIUS

23 November — 21 December



Aspectonan ta indica cu bo mester tene cuidao cu pleito, no entremete, scucha y traha bo propio conclusionnan.

CAPRICORNUS

22 December — 19 Januari



Awe bo huielo no ta completamente correcto, no tuma decisionnan pura, anochi bo popularidad por aumenta serca e otro sexo.

ACUARIUS

20 Januari — 18 Februari



Plannan cu bo a traha awor por worde cambia. Despues, atardi bo por ricibi un sorpresa agradable den forma di un noticia.

PISCES


19 Februari — 20 Maart



Aunke cu tin algun contratiempo awe ta un dia favorable na bida social y asunio nan di amistad, no tin hopi influencia.

EMBAHADOR NOBO DI BRASIL A YEGA

SCHIPHOL, 22 april. — Awe tardi a yega Schiphol e embahador nobo di Brasil, Jayme Sloan Chermont. Embahador Chermont ta reemplasa embahador De Sousa-Leao, quende, despues di a ocupa e puesto muestre anja, ta bai cu pension.



Forza Aerea di Hulanda ta dispone actualmente di e prome jetnan cazador Lockheed TF 104 G. E avionnan aki na solamente ta worde usa pa training di piloto, pero alavez nan ta completamente equipa pa pelea. Aki nos ta mira un di e TF 104 G na su salida.

EPIDEMIA NA ZERMATT TA JEGANDO SU FIN

ZERMATT, 22 april. — E Militar nan Suizo, cu a worde yama pa duna yudanza na combatimentu di e epidemia di typhus na Zermatt, a euminda awe cu preparacionnan pa nan bandona e lugar y edificio di school cu na na transformacion den un hospital di emergencia unda e victimanan tabata hanta nan prome asistencia medico.

E ultimo trein hospital cu e 22 patientnan cu a queda a sali ayera y awe e soldadnan tabata desinfecta e edificio, di moda cu banda di fin di e luna aki e muchanan por bolbe tuma les cayan.

Den henter Suiza tin ainda por lo menos 213 persona cu ta ricibiendo trato contra e enfermedad ey.

PODER DI BEN BELLA A BIRA MAS GRANDI

ARGEL, 22 april. — E hombre fuerte di Argelia, premier Ben Bella, ayera noch a tuma direccion di e frontera nacional di libertacion over. Despues di retiro di Mohammed Khider como secretario general di e oficina politica di e frontera e oficina a encarga Ben Bella cu e puesto aqei.

Manera ta conoci Khider a duna di conoce den un comunicado di prensa, cu e ta retira pa desunio nan fundamental den e oficina politica.

Despues di retiro di Khider, quende si ta queda miembro di e oficina politica, a bini un fin na e controvercia, cu tabata reina for di eumindamentu di e anja aki den direccion supremo di e frontera.

OBREERONAN PORTUARIO NA GUYANA INGLES TA WELGA

PARAMARIBO, 22 april. — Segun e agencia Hulandes di noticia ta informa for di Georgetown e obregonan portuario na Guyana Ingles a stop di traha. E servicionan di loads lo para majan.

Nan ta calcula cu tur sobra federacionnan lo sigui poco poco, e obregonan di e enpresanan di Bauxiet si lo sigui traha normal. E directivanan

PREMIER JAGAN TA SUSPENDE SU VIAJE

GEORGETOWN, 22 april. — Premier Jagan di Guyana Ingles a suspender su viaje cu e tabata pa haci pa Merca y Canada en conexion cu e welga practicamente general den su pais.

Jagan mes'er a tene un discurso dia trinta di e luna aki den e comision pa colonialismo di Nacionnan Uni, tocante posicion di su pais, cu tin autodeterminacion y quier independencia. Den curso di e siman aki Jagan lo stipula un fecha nobo pa su viaje.

JUEGONAN PAN-AMERICANO

SAO PAULO, 22 april. — Ayera a cuminsa na Sao Paulo e weganon panamericano. Den e torneo di futbol e equipo di Chile a derota esun Mericano cu score 10-2, na half wega tabata 1-1.

Durante e weganon di anja 1959 na Chicago Merca a sali number tres den e torneo di futbol tras di Argentina y Brasil.

E biha aki tin solamente cinco pais ta participa den e torneo, esta Argentina, Brasil, Chile, Merca y Uruguay. Tur e nacionnan ta representia pa equiponan amateur.



For Your Most Intimate Marriage Problem

Millions of women put their trust in Norforms... rely on Norforms for the surest protection in their most intimate marriage problem. Tested by doctors and proven in hospital clinics, only Norforms give such positive germicidal protection with a highly perfected formula that releases antiseptic ingredients with long-lasting action. Body temperature melts Norforms to produce a powerful protective film that guards but cannot harm delicate tissues. Norforms' deodorant protection eliminates

embarrassing odors... does not merely cover them up... and there's no "medicine" or "disinfectant" odor. Norforms are convenient... simply insert these feminine suppositories. No apparatus mixing or measuring. Greaseless and hermetically sealed. Norforms keep in any climate. Available in boxes of 6, 12, 24.

GRATIS— Informative folder about Norforms. Mail this coupon to Aruba Trading Co., Oranjestad.

Please send me your new folder about Norforms. Use a plain envelope.

NAME
STREET
CITY



Put your trust in NORFORMS... Millions of women do.

BUCHI ROBEZ

presenta pa cortesia di: PIET'S SODA FOUNTAIN tel. 2123

★ e mehor adres pa snacks, tur clase di dushi, softdrinks, ice-cream y revistas

